

1 - BISMILLAH

Shru 'Be' se kalam Bismillah
Raze haq ka muqaam Bismillah

Jo bhi dilse padhega Bismillah
Is pe dozak haram Bismillah

Meri rag rag me hai nasha yaaro
Pee liya jabse jaam Bismillah

Baksh de baksh de mere maula
Mile jannat mukaam Bismillah

Mere maula tu sabko nek bana
Nek ho sab ke kaam Bismillah

"Be" se kalu bala ko yad karo
Hay ye pehla kalam Bismillah

Kyu na uske banege bigde kaam
Jo pade subah-O-shaam Bismillah

Baa yazid ko ye humne kahte suna

Aarifo ka hai naam Bismillah

Bheje mehboob par gulamone

Ho darud-o-salaam Bismillah

Peer Fehmi ke haato me mehshar me

Mile kausar ka jaam Bismillah

Dua dil se karo maroof

Sab pe rehmat ho aam bismillah

2 - Hamd

Teri zate paq hai aye khuda teri shaan jalle jalalahu,
Koi kya kare hamd-o-sana teri shaan jalle jalalahu.

Koi kehta tujko Ram hai koi leta allah naam hay,
Tu hi sab ka hai maalik khuda teri shaan jalle jalalahu.

Jise chahe apna banaye to jise chahe dar dar phiraye tu,
Tere dar pe hay shah-o-gada teri shaan jalle jalalahu.

Tu hi arsh pe jalwa nashi tuhi farsh pe parda nashi,
Tu hi charsoo jalwa numa teri shaan jalle jalalahu.

Koi banda tera amir hai koi dar ka tere faqir hai,
Tu hi badshah hai jahaan ka teri shaan jalle jalalahu.

Fehmi piya ka ye dar mila jise khuda ka wo ghar mila,
Mila peer se hi muddua teri shaan jalle jalalahu.

Maroof ki rakh tu laaj ko ruswa na kar mohtaj ko,
Mera kaun hay tere siva teri shaan jalle jalalahu.

3 - NAATE MOHAMMED SALLALLAHO ALAIHE WASALLAM

Noore Mohammed nure khuda hai sallallaho alaihe wasallam,
Mohammed ko samjho na haq se juda hai sallallaho alaihe wasallam.

Mohammed ko chaha wo chaha khuda ko Mohammed ko bhula wo bhula khuda ko,
Mohammed ko dekha wo dekha khuda hai sallallaho alaihe wasallam.

Mohammed ko samjha wo samjha khuda ko Mohammed ko paya wo paya khuda ko,
Sirre Mohammed Sirre khuda hai sallallaho alaihe wasallam.

Allah hai dariya nabi bulbula hai nukte me "Be" ke bhed chhupa hai,
Mohammed hai upar niche khuda hai sallallaho alaihe wasallam.

Meem ka perda utha kar to dheko kaun nabi aur kaun khuda hai,
Mohammed nabi hai Mohammed khuda hai sallallaho alaihe wasallam.

Peer Mohammed Peer khuda hai Fehmi piya se ye ukdah khula hai,
Har shay me peer hi jalwa numa hai sallallaho alaihe wasallam.

Mohammed ka jalwa hai jalwa khuda ka Mohammed ka banda hai banda khuda ka,
Maroof ye to haq ki sada hai sallallaho alaihe wasallam.

4 - DAROOD-E-PAAK

Allahumma salleala Mohammedun Ya rabbe sallu alaihi wasallam

Piyare nabi ko haq ne bulaya Arshe bari ko apne sajaya

Apne noor ki chadar bichaya Rab ne nabi ko ispe bithaya

Haq ne khushi se masarda sunaya.....

Allahumma salleala Mohammedun Ya rabbe sallu alaihi wasallam

Noore Mohammed noore khuda hai Shaane Mohammed shaane khuda hai

Deede Mohammed deede khuda hai Sirre Mohammed sirre khuda hai

Saare nabiyon me rutba badhaya.....

Allahumma salleala Mohammedun Ya rabbe sallu alaihi wasallam

Zaahir ka bhi hai baatin Mohammed Awwal ka bhi hai aakhir Mohammed

Kaise batau ke kya hai Mohammed Har dum wo jalwa numa hai Mohammed

Dono jahan me saani na saaya.....

Allahumma salleala Mohammedun Ya rabbe sallu alaihi wasallam

Mere nabi hay arsh ki izzat Mere nabi hay farsh ki zeenat

Mere nabi hay rab ki kudrat Mere nabi hay sahib-e-azmat

Noore nabi se sab hay banaya.....

Allahumma salleala Mohammedun Ya rabbe sallu alaihi wasallam

Mere nabi quraan hai laaye Mere nabi irfaan hai laaye

Mere nabi imaan hai laaye Mere nabi nishaan hai laaye

Daaman me unke sab kuch hay aaya.....

Allahumma salleala Mohammedun Ya rabbe sallu alaihi wasallam

Taaj-e-shifa'at pahen key aaye Shaan-e-nabu'uat saath me laaye

Karne imaamat farsh pe aaye Dars-e-tarikat sab ko padhaaye

Farsh pe arsh ka naksha dikhaaya.....

Allahumma salleala Mohammedun Ya rabbe sallu alaihi wasallam

Kahi bane wo Adam safi hai Kahi bane wo Nuhe Nabi hai

Kahein bane wo Musa nabi hai Kahein bane wo Maula Ali hai

“Meem” key parde me kya kya chupaya.....

Allahumma salleala Mohammedun Ya rabbe sallu alaihi wasallam

Piyare nabi key sadke me maula Aale nabi ke sadke me maula

Ibn-e-Ali key sadke me maula Apne wali key sadke me maula

“bakhsh de hum ko bhi tu Khudaya.....

Allahumma salleala Mohammedun Ya rabbe sallu alaihi wasallam

Fehmi piya key saaye me aaya Noore nabi ko inme hai paaya

Allah Nabi se dum ko sajaaya Salleala se jhula jhulaaya

Maroof noor ka sajda karaaya.....

5 - MOHAMMED SALLALLAHO ALAIHE WASALLAM **AAGAYE HAI**

Huro malayak dhoom machaye salleala ko sunaye Mohammed aagaye hay
Amina bi ke bal bal jaye noor se ghar ko sajaye Mohammed aagaye hai

Rab ke piyare hai naam Mohammed paagaye

Noore khuda ka jalwa banke jagme aagaye

Khushbu se aalam mehkaye rehmat ko barsaaye Mohammed aagaye

Arshe bari ko aaj noor se haq ne saja diya

Farshe zameen ka bhi rutba rab ne badha diya

Rehmat-e-haq bhi wari jaye Allah sadkah lutaye Mohammed aagaye hai

Rukh pe nabi ke mere noore khuda ka jamal hai

Har ek kamal wala paaye inse kamal hai

Aise nabi ko jo bhi paaye kyu na woh itraye Mohammed aagaye hai

Noor ka jhula jab daste haq ne bana diya

Noor ka bistar bhi haq ne isme bicha diya

Noor ki dori isme lagaye jhula nabi ko jhulaye Mohammed aagaye hai

Saare payamber me aap ka aala mukaam hai

Rab ka har wali aap ke dar ka gulam hai

Aap ke dar se rutba paaye pal me wali hojaye Mohammed aagaye hai

Aalam-e-arwah ka maujzah hai ye bakhuda

Saf baa'adab khade the sare ambiya-o-aoliya

Gause aazam kandha lagaye khwaja sar ko jhukaye Mohammed aagaye hai

Fehmi piya ka jab noori silsila milgaya

Dono jahan ka aaj hum ko wasila milgaya

Kalma banke dam me aaye har dam me kehlaaye Mohammed aagaye hai

Unpe daroo'do ka bhejo tohfa pyaar se

Roshan hum bhi hai maroof isi sarkar se

Ishq-e-nabi ki shama jalaye noore nabi me nahaye Mohammed aagaye hai

6 - SIFAAT MOHAMMED SALLALLAHU ALAIHE WASALLAM

Sifaat-e-khuda hai sifaat-e-Mohammed Sallallaho alaihe wasallam
Khuda khud hai goya bazaar-e-Mohammed Sallallaho alaihe wasallam

Khudayee bhi raxsa hai chaaro huf me
Zahur-e-do aalam sifaat-e-Mohammed Sallallaho alaihe wasallam

Mohammed hi wahdat Mohammed hi kasrat
Khuda khud hai zaahir bazaar-e-Mohammed Sallallaho alaihe wasallam

Woh noor-e-haqeeqi hai noor-e-mujassam
Zara khud me dekho sifaat-e-Mohammed Sallallaho alaihe wasallam

Woh Mehmood ban kar hai zar-e-zameen men
Khula hum pe ukdah mamma'at-e-Mohammed Sallallaho alaihe wasallam

Madine ki mitti ka sadkah hai sab kuch
Mili peer fehmi hayat-e-Mohammed Sallallaho alaihe wasallam
Tassawur me aane lage hai Mohammed Sallallaho alaihe wasallam
Aye maroof padhlo salate Mohammed Sallallaho alaihe wasallam

7 - MOHAMEED SALLALLAHO ALAIHE WASALLAM KHUDA HAI

Mohammed khuda hai khuda hai Mohammed

Khuda se bata kab Juda hai Mohammed

Khuda noore Ahmed se roshan hua hai

Haqeeqat me haq ki ziya hai Mohammed

Libase Mohammed hai baatin me Allah

Khuda banke jalwanuma hai Mohammed

Gaye laa makaa me hai pal me Mohammed

Makaa laa 'makaa ka pata hai Mohammed

Har ek zarra-zarra gawah ban gaya hai

Khula raaz haq-ul-wara hai Mohammed

Mohammed hai zaahir Mohammed hai baatin

Mohammed hi jalwa numa hai Mohammed

Mile peer Fehmi Mohammed ke ghar se


Bataye hame raaz kya hai Mohammed

Mohammed ka naksha hai aankho me maroof

Ke dil ka wazifa bana hai Mohammed

8 - SHAHADAT-E-HUSAIN RAZIALLAHUTA'ALA ANHUMA

Sabre Husain ka dekho nazara
Teen din ka bhuka pyasa Ali ka dulara
Noor-e-nabi aap hay
Ibn-e-Ali aap hay
Lakht-e-jigar Fatima
Dilbar Hasan aap hay
Panjatan ka tum se hi
Ye naksha hai pyara
Ummat ka gam tha kawi
Dube the piyare nabi Sallallaho alaihe wasallam
Aansu ki thi ek jhadi
Bole phir ibn-e-Ali
Ek din bakhshaa hi lenge
wa'ada hai hamara
Likha khuda ka aagaya
Karbala ka din aagaya
Bahattar ka ye kafila
Aagosh-e-gam aagaya
Tapte sehra me tha
woh Mohammed Sallallaho alaihe wasallam ka piyara
Noor-e-nabi ki chamak



Sher-e-khuda ki jhalak
Saif-ul-allah thi haath me
Tharra gaya ye falak
Jis taraf talwar thi
Tharraya aalam saara
Aayi Nida gaib se
Waada-e-wafa kijiye
Sajde me Ibn-e-Ali
Sar ko kata dijiya
Ummat ki khatir nibhaya
Waada niyara
Teero se channi Husain
Tegon se zakhmi Husain
Neze pe sar the Husain
Sunte the sab ki Husain
Karbala bhi cheenk uthi
Dekh kar nazara
Sakina ki aas ho
Zainab ki laaj ho
Chacha hu kaasim ke tum
Shahido ke sartaaj ho
Aa bedin bole
Piyaare baba hamara

Aisa na sajdah kiyaa abtak kisne kabhi
Bhulegi na zameen phir aisa sajdah kabhi
Aaj bhi hai taazah dekho sajdah tumhara

Ramze shahaadat hai
Fehmi inaayat hai ye
Ummat ko tha bakhshana
Kaisi hikmat hai ye
Ek sajdah ke liye tha
Karbala ye saaraa
Maroof shahadat hussain
khune jigar se likhe
Hum hai gulaame hussain
jaari hai ye silsila
Wakte akhir hum ko bhi ho
Aap ka nazara

9 - MANKABAT GAUSULWARA

Bagdad wale aaka parda zara hatao
Mehfil me apni aao bigdi meri banao

Sar pe hai taj tera haato me paak daaman
Sadke "Abu saeed" ke meri gairat mitao

Hai tumhara haat mera, mera haat hai tumhara
Ye quraan keh raha hai naadaan ko batao

Hai nazre tumhari kaba hai tumhara dil madina
tum noor ho sarapaa mujhe noor me milao

Sab aafate balai bimari har mitegi
Gausulwara ka nara dil se zara lagao

Tere naam ki hai nisbat jo me Qadri bana hu
Rakho laaj Qadri ki nisbat ko tum nibhao

Hai chiraage Qadri hum roshan hai dono aalam
Is roshani me aaya roshan use banao

Giyara adad me raaze Gausulwara chupa hai

Tum raaz ko ye paakar sar ko wahi jhukao

Pirane peer bole laa khauf aye murido

Himmat agar hai tum me hum se nazar milao

Noorani silsila hai Fehmi piya ka mere

Nisbat ki khak me ab Rehmat ki gul khilao

Ye Gaus ki ataa hai ye Gaus ka karam hai

Sarkar jis ko chaho Maroof use banao

10 - MANKABAT GAUSE AAZAM

Gause Aazam dastagir Allah hu Allah
Tum ho peero ke bhi peer Allah hu Allah
Naksha piyara hai dilgeer Allah hu Allah

Dozakh ka ab khauf nahi hai na mehshar ka gam
Abdul Qadir Jillani jab rakhte hai apna bharam
Hum hai Qadri Fakir Allah hu Allah

Kalma dam me aate hi hum noorani keh laaye
Farshe zameen se arshe bari hum dam me aaye jaaye
kalma Gaus ki jaagir Allah hu Allah

Ham me dam hai dam me tum ho tum me noor hai zam
Ham dam ka raaz banke noor hai noor me gum
Laakho murshid ek peer Allah hu Allah

Andha dekhe gunga bole kodhi achcha ho jaaye
Laakh karishme ek nazar me Gaus piya dikhlaaye
Nazre Gaus ki aksir Allah hu Allah

Abd bhi hai Qadir bhi hai Abdul Qadir Jilani

Allah nabi ke noor se woh ho gaye noorani

Tum ho noor ki tasvir Allah hu Allah

Jaan liya hu maan liya hu pehchan liya nazar ko

kharka taaj pehen ke baithe dekhlo idhar ko

ban ke aaye Fehmi peer Allah hu Allah

Aap ki hi nisbat se hum Qadri keh laaye

Banda Maroof aapka sar chaukat pe jhukaaye

Dedo Irfaa ki Jaagir Allah hu Allah

11-MANKABAT KHWAJA GARIB NAWAZ REHMATULLAH ALAIH

Khwaja hind ke sarkar Allah re Allah
Saare waliyo ke dildar Allah re Allah
Unpe tan man hai Nisar Allah re Allah

Allah ki surat chupi hai Khwaja ki surat me
Yani dono noor samaye ek hi murat me
Mohini surat me dildar Allah re Allah

Kalme ka Irfaa leke Khwaja hind me aaye
Allah nabi ka raaz saara pal me hai bat laaye
Banda Allah ka Ghar baar Allah re Allah

Khwaja Khwaja kehte kehte Allah ko hum paaye
Aate jaate dam me hum khwaja ko samaaye
Khwaja kehne wale paar Allah re Allah

Andar Khwaja bahar Khwaja Awwal aakhir khwaja
Hu-ul-Murshid Anta-ul-Murshid baatin zaahir khwaja
Khud me Khwaja ka didar Allah re Allah

Had Bole to Khwaja hai unhad bole to Khwaja

Laa makaa ke bich me dekhne ko aaja

Zarre Zarre me hai yaar Allah re Allah

Maangne wale khade Khwaja tumhare dar par

Usmaan ka sadka mile khawaja tumhare dar par

Ucha noorani darbaar Allah re Allah

Khwaja Fehmi piya bas ek nazar ho sab par

tan man ki ab jholi bhardo khwaja piya ke dilbar

kardo sab ka beda paar Allah re Allah

Banda nawaazi farmao banda nawaaz khwaja

Ruye zaibaa dikhlao banda Nawaaz Khwaja

Maroof Khwaja ko pukar Allah re Allah

12 - QADIRI DHOOM

Ghar Ghar me machi dhoom hai Allah Qadir ki

Shohrat hai do jahaan me kaamil Fakir ki

Aate hai sar jhukane yaha Auliya sabhi

Surat Qadir hogi pirane peer ki

Halkatta bana dekhiye woh Faiz ka shaher

Shaane karimi hai dua dastagir ki

Jalwa Qadiri dekh kar munkir bhi dang hai

Kya shaan hai shaukat hai ye mere Qadir ki

Allah kasam ban gaya woh waqt ka wali

Jispe inaayat ho gayi roshan zamir ki

Aisa nasha hai jiska utarna mohaal hai

Hum ne sharaab pili hai pirane peer ki

Ab kis ki inaayat ho ab kis ka ho karam

Kafi hai mujpe ek nazar ye Fehmi peer ki

Wasfe Qadir Maroof kaise bayaan karu

Milti nahi Nazir us benazir ki

13 - AADIL MILGAYE

Ek Aadil kya milgaye
Dil andhera tha ab tak

Zindagi bandagi ho gayee
Roshani roshani ho gayee

Woh nazar se pilaye hume
Maikade ki na haajat rahi

Mast bekhud banaye hume
Bin piye maikashi ho gayee

Phanse hirs-o-hawas me kabhi
Peer kaamil aisa mila

Phanse burz-0-hasad me kabhi
Baa safa zindagi ho gayee

Ek nafs-e-ana ka makar
Jab ana ko fana kar diyaa

fakhr karte the jispar magar
Baa khudi ba khudi ho gayee

Bandagi ka maza aa gayaa
Khud me khud ka pata kya mila

Zindagi ka maza aa gayaa
Har taraf roshani ho gayee

Peer Fehmi hamare liye
unki nisbat ka hai ye sila

Roshani ka hi ek naam hai
Zindagi bandagi ho gayee

Kya hakikat hamari kahe
Ye hai maroof unka karam

Bahere zulmat me hum the pade
Raat bhi chaandni ho gayee

14 - URS SOLWAH

Manaye aaj hum urs-o-chiragaa peer Aadil ka
Humare peshwaye kutub-e-daura peer Aadil ka

Hare gumbad ki barkat se hara hai bijapur apnaa
Jami arwaah ka markaz darakhsha peer Aadil ka

Bana hai kaba ye ishaq tera rozaye athar
Tawaaf-o-sajdah hoga jane janaa peer Aadil ka

Sabak wallail padhne ko chupayaa yaar ne chehra
sarapa maujjaza hai range irfaa peer Aadil ka

Tumhare naksh paa se milgaya hai dar wilayat ka
Kadam mohare wilayat noor imaan peer Aadil ka

Yahi ajmer ashiq ka yahi bagdaad apna hai
mukaam ahle nisbat sang-e-jana peer Aadil ka


Bada kaam aata hai nisbat ka saamaa peer ke ashiq
saro pe apne lehraye ga daamaa peer Aadil ka

Nigahe peer Fehmi me nazar woh agaya jalwa

Dil ashiq ki thandak ruwe taabaa peer Aadil ka

Khizr khud dhunta hai aap ke dar ka pata Maroof

Badi uchi jagah hai mahele irfaa peer Aadil ka



15 - JASNE PEER AADIL


Gaus piya ke noore nazar Khwaja piya ke saaye
Mere soye bhag jagaye mere peer Aadil hai aaye

Allahu ka jaam sab ko nazro se pilaaye
Zikr-e nabi aur Zikr-e- khuda se dam ko hai sajaaye
Bando ko ek pal me hi maula se milaye mere peer Aadil hai aaye

Ghar Ghar me ishq nabi ki shamma ko hai jalaaye
Murda dil murda nafs ko pal me hai jalaaye
Gaus piyaa ki nisbat se hum sab ko woh mehkaye mere peer Aadil hai aaye

Sabme mehenga sabme sasta peer ka maikhana
Peer ke haato me hai kudrat ka khazana
Peer ke kadmo me hi jaan ko lutaye mere peer Aadil hai aaye

Kaun khuda hai kaun nabi hai peer ne batlayaa
Raaze khafi ko raaze jalli ko peer ne sunayaa
Peer ke hi sadke me hum raaz ko hai paaye mere peer Aadil hai aaye



Peer nabi hai peer khuda hai peer hai kaaba kiblaa
Meem ki ghunghat me hai peer ka har jalwa
Peer ka jalwa hi ab dil ko hai lubhaye mere peer Aadil hai aaye

Kaun khuda hai kaun juda hai nukte ko samjho
Takte ko takta nahi hai takte ko samjho
Nukte ka raaz ye peer hi bataye mere peer Aadil hai aaye

Shaher-e-bijapur me ye dhoom machi hai
Gumbad pe noor wali chadar ye tani hai
Murid saare jhoom ke aaj ye gaaye mere peer Aadil hai aaye

Sandal me pote ke apne karim-ul-allah aaye
Jashn-e-chiraga karne ko Qadir allah hai aaye
Mehtaab Allah bete ka rutba badhaye mere peer Aadil hai aaye

Fehmi piya ke peer ki ye shaadi rachi hai
Poto me dhoom hai to beto me khushi hai
Saare murid peer ki doli hai sajaaye mere peer Aadil hai aaye

Maroof apne dada ke sandal me challenge
Peer-e-mugaa ke rang me dil ko rangenge
har saal hum peer ka jashan manaaye mere peer Aadil hai aaye

16 - SANDAL AAGAYA HAI


Murid saare dhoom machaaye ishqe peer me gaaye ke sandal aagaya hai
Peer ka jalwa dil ko lubhaye peer se khud ko rangaaye ke sandal aagaya hai

Peer ka mukhda woh aakho me mere aise chha gayaa
Noore nabi ka woh parto ban ke aagaya
Peer ke darpe sar ko jhukaye kyu na tan man lutaye ke sandal aagaya hai

Allah nabi ka jalwa peer ke jalwe me zam huwa
Dono jahaan me aisa piyara na koi sanam huwa
Aise peer ko jho bhi paaye kyu aa woh itraye ke sandal aagaya hai

Me hu poojari unka mere woh bhagwan hai
Saaso me urjaa banke rehte wahi to paraan hai
Man ka mandir tan me sajaaye guru ko apne bhitaye ke sandal aagaya hai

Meem ka parda jab peer ne rukh se hata diya
Hosh wo hawaas apne pal me thikane laga diya
Peer peer ka nara lagaye peer me hum mit jaaye ke sandal aagaya hai



Dono jahaan me aaj peer Aadil ka naam hai
Zikr kahi pe hai to charcha kahi pe aam hai
Peer Aadil ko dulha banaaye sehra sarpe sajaaye ke sandal aagaya hai

Aaj Karim-ul-allah chitguppe se aagaye
Dekho Qadir allah noor banke chhagaye
Peer-o-murshid sath me aaye Mehtab allah gaaye ke sandal aagaya hai

Fehmi piya ki chadar nikli hai dekho badi shaan se
Saare mallaik isko sarpe uthaye armaan se
Peer Aadil ka jashan manaye nache aur gaaye ke sandal aagaya hai

Kabe ka kaba hai ye roza Aadil peer ka
Haj se kam nahi hai Maroof sandal ye peer ka
Peer ke sandal me jo jaaye haji wo keh laaye ke sandal aagaya hai

17-MANKABAT HAJI ABDUL LATIF BABA REHMATULLAH ALAIH

Haji Abdul Latif Baba

Tera darbar aala hai

Saare walio me aye baba

Tera rutba niralai hai

Rukhe laila kahu tumko

Husn-e-Yusuf kahu tumko

Kitni piyaari hai ye surat

noori saanche me dhaala hai

Allah hu ka nasha chha gaya

Tera jalwaa nazar aagaya

Mere seene me aankho me

noorani ujala hai

Tera darbaar aali hai

Aaye kitne sawaali hai

Sab ki jholi bhara baba

Dast-e-haq kamli wala hai

Aaj Khapoli me dhoom machi hai

Shah Latif ki shadi rachi

Sar pe sehra hai rehmat ka

Dulha sab se niraala hai

Jo bhi sandal me aaye hai

Noor me sab nahaye hai

Chadar-e-gul hai Salle alaa

Nisbato ka do shila hai

Sab ki maqbool ho hazri

Iltija ye kare Qadri

Hum gulaman-e-Fehmi hai


Dam me kalme ki maala hai

Naam ki ye karamat hai

Sab pe lutf-o-inayat hai

Sab pe yaksa karam Maroof

Koi gora na kala hai



18 - CHAADAR SHARIF

Mere Latif Shah ki chaadar hai

Wali-e-ba safa ki chaadar hai

Har wali mazhar-e-Mohammed hai

Ye to Salle alaa ki chaadar hai

Allah Mehboob kehta hai jinhe

Ye usi dil ruba ki chaadar hai

Meri mushkil ka wo sahara hai

Mere mushkil kushaa ki chaadar hai

Dar se mehroom na koi lauta

Sab ke hajat rawaa ki chaadar hai

Noori daaman hai apne haatho me

Shah-e-Gausul waraa ki chaadar hai

Peer Fehmi ne rangli hai chaadar

Ye wali haq numaa ki chaadar

Sar pe rakh kar padho darud Maaruf

Ye mere rehnuma ki chaadar hai

19 - SIRRE INSAAN

Sirre insaan me kya ramz niraala nikla

Mere dum se hi to aalam me ujala nikla

Rakh ke mizaane adal me do aalam ka jamaal

Tola jo aala se aala mera wala nikla

Khaki parwaaz se hai khoob uruje Adam

Arsh-o-kursi se bhi aala dil-e-bala nikla

Zindagi kat gayi parde ko uthate Saaheb

Dum-e-aakhir bhi tera parda niraala nikla

Rah-e-tajreed me tafreek bhi hai shaamil

Ek hi raah me ye kitna faasla nikla

Dard kya cheez hai ye ishq me malum hua

Chalte chalte jo mere paao me chaala nikla

Wo kisi haal me kamzor nahi ho sakta


Tera aashiq teri aagosh ka paala nikla

Peer fehmi ke jo parde ko utha kar dekha

Ganje makhfi ka mera yaar ujala nikla

Raaz kalme ka samajhna aasan nahi Maaruf

Jab tujhe jaana to munh par mere taala nikla



20 - AYAA HO GAYE

Ishq se hum ayaa ho gaye
Saare nukte bayaan ho gaye

Shauk irfaa ka unko huaa
Laa makaa se makaa ho gaye

Na mila koi apne siwa
Naksh baatil dhuwaa ho gaye

Padh rahe hai woh apna kalaam
Yaar ki hum zabaan ho gaye

Chha rahe hai do aalam pe hum
Khud zameen aasmaa ho gaye

Justaju jab se kaamil hui
Naksh unke ayaa ho gaye


Yaar hum me hai hum yaar me

Dono ek jism-o-jaan ho gaye

Gair ki hum ko haajat nahi
Khud maki khud makaa ho gaye

Peer Fehmi se nisbat hui
Hum kaha they kaha ho gaye

Hai ye Maaruf sirre khafi
They niha ab ayaa ho gaye



21- SAANCHA-E-HAQ

Saancha-e-haq me jab zindagi dhal jaayegi
Har ek gumraahi ki aadat bhi badal jaayegi

Man araf ke aaine me dekh zara gaur se tu
Qad araf ki jo haqikat hai badal jaayegi

Surat-e-janaa ko tum dil me basaaao pahele
Gairiyat ki jo jami dhool hai dhul jaayegi

Jis ne dekha nahi is dum me basa ke dum ko
Hasti-e-aabroo sab khak me dhal jaayegi

Zindagi jaise guzaaro ye to guzre lekin
Le ke duniya se ye aamal ka phal jaayegi

Peer Fehmi ke hi kalme se sajaa le dum ko
Ek hi lamhe me duniya hi badal jaayegi

Ishq ki aag me tum khud ko jalaaoo Maroof
Soorat-e-janaa me tasveer ye dhal jaayegi

22 - TASVEER-E-YAAR

Khayaal-e-yaar ki tasveer hu mai

Ke apne yaar ki Tanveer hu mai

Jo dekha yaar ne Roz-e-azal me

Usi hi khwab ki taabir hu mai

Mujhe samjho na tum ek masht-e-khaaki

Saraapa noor ki tasveer hu mai

Khird wale ulajh kar reh gaye hai

Junoon-e-ishq ki tafseer hu mai

Na woh mujh se juda na mai usse alag hu



Usi zanjeer ki zanjeer hu mai

Kaha Mansoor ne wo mai nahi hu

Mere dildaar ki takreer hu mai

Hadees man araf ka hu khulasa

'Ha' apne aap me jaagir hu me



Mujh hi se ibteda aur inteha hai
Hayaat-o-maut ki taamir hu mai
Hai sar par peer Fehmi saaya afgun
Ke paaye khak ki akseer hu mai
Badalti rahti hai taqdeer Maroof
Har ek shaye me chhupi tadbeer hu mai

23 - KHUD PARASTI ME

Khuda khud bas gaya hai aake deewano ki basti me

Ye deewane na jaane kis jagah hai apni masti me

Khuda ko dhundne walo khuda walo ke ghar jaao

Khuda masroof hai din raat ahl-e-dil ki basti me

Woh masjid-e-malaaik ko nikaala khuld se jisne

Ye waaiz zer karne ko chale hai kiski hasti ko

Samandar maarefat ka hai hame dar ho nahi sakta

Chali hai nakhuda ki kashti ab wahdat parasti me

Nahi hilta koi patta siwaaye hukm ke unke

Isi ibad'at se hai aabad saari galiyaa basti me

Jise sab shirk samjhe hai wahi hai shaan-e-tohidi

Khuda masti me hai din raat dekho khud parasti me

Dui ko khud mita kar to fana fillah hona hai

Ye maine seekha hai Fehmi piya ki sarparasti me

Mai khud sajde me khud hi zakir-o-mazkur

Ye kya bakwaas hai Maroof aisi maye parasti me

24 - NA AAYA HU

Uruje baam par hu me nahi jaaunga pasti me

Yahi tha yahi par hu numaya apni hasti me

Meri hasti ka har zarah sunaaye soote sarmad ko

Tadap uthe kayee Mansoor meri ek hasti me

Kisi se mai hu paida na koi mujh se hai paida

Na banda hu na maula hu sadaa-e-'hu' ki basti me

Mai tha khud kunat-o-kanzan me to kanzan makhfi tha mujh me

Mai khud baare amaanat ka uthaaya bojh masti me

Hu khud hi aap par shaida hu khud hi aap ka taalib

Mai khud aashiq hu aur maashuq dono ek hasti me

Anaa mujh me Sanaa mujh me Fanaa mujh me Bakaa mujh me

Mai izhaar-e-do aalam hu bulandi ho ya pasti me

Ta'ayyun mere isma'a ka piya Fehmi ho ya Maroof

Ke khairul maakareen bankar hu chhaya Kun ki basti me

25 - GANJUL MAKAA

Ganj-e khafi se jab kabhi katra juda huua
Zaahir ke laut paut se zaahir khuda huua

Hai ain me hi gain ka nukta laga huua
Nukte ke beecho beech me kaisa chupa huua

Sirre khafi woh sar me aisa makaam hai
Koi talaash kya kare khud laapata huua

Do meem ki hi had me Mohammed ka raaz hai
Aadhi kamaan se bhi ye ukdah khula huua

Hu 'Be'ka nukta 'Nun'me aur daal se daakhil
Hijrat kiya hu 'He' se to banda khuda huua

Rab to wahi hai jis ko samajh lo kamaal-e-ruh
Jab ruh raazi ho gayee raazi khuda huua

Ye khel peer Fahemi samajhna mohaal hai
Hairaan hu mai khud hi tamasha bana huua

Allahu, Lillah aur Lahu 'Hoo' ko jaan lo
Maroof un mukaamo se mera pata huua

26 - YAAR MIRAKSAM

Junoon-e-ishq me karte hai peshe yaar miraksam

Zamaana rok na paaya sar-e-bazaar miraksam

Ye maqbool ibaadat hai ibaadat ka tarika bhi

Tumhara zikr karna aur tawaf-e-yaar miraksam

Na kaabe se garz hum ko na butkhane se kuch matlab

Dayaare dil me hota hai sadaa deedar miraksam

Kataya sar ko sajde me Hussain Ibn-e-Ali ne jab

Pukaar uthi jabine karbala sardar miraksam

Sharaab-e-ishq nazro se pilaaya saaqiya jab se

Mahek utha ye saara maikada gulzaar miraksam

Wajood Aadam-e-khaaki me hai sirre nihaa bankar

Bataya naam apna peer Fehmi yaar miraksam

Samajh khud banke baithe hai samajh me aaye na Maroof

Tajassus khane me aate hai wo dildar miraksam

27 - DAIR HAI

Dil me nazar me naksha jamane ki dair hai

Dum ko musannifa dil ko jilane ki dair hai

Khul jaayega muamma mann wa tu ka aaj hi

Anta ana ka parda uthane ki dair hai

Ye faani boot hai aaj hi mit jaayenge sabhi

Raaz-e- ilaaha khud me hi paane ki dair hai

Aajayega samajh me khudi aur khuda ka raaz

Dast-e yad Allah aane ki dair hai

Thokar se jee uthenge ye murde bafazl-e-haq

Shaan khudi khuda me samaane ki dair hai

Jal jaaye aasman wo zameen ek aan me

Aahon me apni aag lagaane ki dair hai

Hote hai peer Fahemi se taa band-e chiraag

Mahefil me rang inko jamane ki dair hai

Tasveer-e-yaar aayegi Maroof saamne

Khud ko nazar ke saamne aane ki dair hai

28 - BANE BAITHE HAI

Deeda-e-zok ka armaan bane baithe hai

Parda-e-zaat me insaan bane baithe hai

Aap ke dum se hi aabad hai aalam ki hayaat

Chhup ke nazro se wo imaan bane baithe hai

Jaane kiya rakkha hai Aadam me khazana ya rab

Sab farishte wahi darbaan bane baithe hai

Zaat-e-aqdas se huaa faiz-e-muqaddas ka zahoor

Ek hi jaan me do shaan bane baithe hai

Zok-e-irfaan me nikle hai makaan se baahar

Nafs-e-aarif me wo mahemaan bane baithe hai

Peer Fahemi zara ab raaz-e-haqikat kahe do

Nukte ke bhed me quraan bane baithe hai

Khud ko kho dena hi khuda ko paana hai Maroof

Kuntu kanzan ka wo farmaan bane baithe hai

29 - ISM-E-HOO

Ek ism 'Hoo' ka masmaa bana hu mai yaaro
Har ek manke me khud phir raha hu mai yaaro

Ye tukham 'Hoo' me tha poshidah nakhl, do aalam
Zahoor-e-wajib wa mumkin bana hu mai yaaro

Bah shaan-e-tanziya soorat hai ek be rangi
Banaam-e-tashbeeh rang-e-heena hu mai yaaro

Mere hi dum se hai mauj-e-sifaat ki hasti
Ke apni zaat me bahere bakaa hu mai yaaro

Me khud hu naazir wa manzoor sirre wahdat me
Kaha ye gair ko sajda kiya hu mai yaaro

Ye peer Fahemi ne batlaya arsh ko palto
Sharaa ke daam me aake phansaa hu mai yaaro

Ye ism 'Hoo' me hi poshidah ho gayaa Maroof
Har ek shaye se nikalti sadaa hu mai yaaro

30 - MO'AMMA -B-ISME KHUDA

Samajhna hi mushkil ye raaz ajab hai

Khuda ism hai aur banda laqab hai

Na samjhe moumma abhi tak malaaiik

Hai zaahir me Aadam to baatin me rab hai

Tha ganj-e khafi me chhupa noor Ahmed

Huaa kun se zaahir ye raaz gazab hai

Nafakh kah ke dakhil huaa jab jasad me

Kaye Qudsiya sar baa sajda adab hai

Huaa Wahdahu se Lahu Abdahu me

Azl me tha jaise wahi aaj ab hai

Khuda tukham hai to ye banda shajar hai

Ye zaahir me banda wo baatin me rab hai

Na banda khuda hai siwa peer Fahemi

Tajassus me iske zabaan band lab hai

Azal me thi jo zaat zulmat me Maroof

Wahi noor-e-aazam ujaale me ab hai

31 - BHULA DIYA

Rukhsar se sanam jo pardaa utha diya
Jo kuch likha padha tha wo pal me bhula diya

Kaafir nigahe naaz pe qurbaan jaaye
Dil banda-e-khuda tha to kafir bana diya

Chakkar me der-o-ka'abe ke hote rahe kharaab
Raaz khudi bataa ke wo sab kuch chhuda diya

Pahela sabaq 'Alif' ka zulfo se hai diya
Zair-o-zabar ko paicho kham me bata diya

Hum ko bana ke aaina zulfe sanwar lee
Ban ke tamasha khud hi tamasha bana diya

Un ka zahoor hote hi maadom ho gaye
Jaise ke koi shamaa ko suraj dikha diya


Sab hasratein nikal gayee khaana kharaab ki
Jalwa jamal yaar ne aakar dikha diya

Aankho ke til milaane se deedaar ho gaye

Fehmi piya ka aaina chahera dikha diya

Maroof uth raha hai nasheman se ab dhuwa

Hans hans ke yaar ne bijli giraa diya



32 - KAFIR SANAM

Kafir sanam ka chahera ye har aan samne hai

Shaan bataa me jalwa-e-rehmaan samne hai

Ka'aba kalesaa mandir wa aatish kadah sabhi

Ta'amir ek qalb hai irfaan samne hai

Masjid me ho azaan ya mandir me kuch bhajan

Dono makaan ka maalik sultaan samne hai

Roshan dimag wa dil hue in ke karam se aaj

Ma'eraaj bandagi hai ye subhaan samne hai

Muddat se phir raha hu raheta hu apni dhun me

Jaane khuda kahaa hai ye insaan samne hai

Fikr-o-nazar ko masti ye Fahemi piya ne bakhshi

Sabr-o-karaar haasil imaan samne hai

Maroof peer Fahemi to hai Mazhar-e khuda

Parwaz-e-bekhudi hai to pahechaan samne hai

33 – KHULASA-B-ISME ABD

Khuda tukhkhm hai gar to banda shajar hai

Magar qabil-e-deed kis ki nazar hai

Mila tukhkhm se jisne mila shajar tak

Ye chhoti si hujjat ka lambaa safar hai

Huwa khud hi zaahir kahaa gaib me hu

Wohi chasme bainaa wohi haq nazr hai

Mujhe kafir ka fatwa denaa hai de lo

Bashr jisko kehte hai ultaa shajar hai

Samre isme Aazam ke lagte hai is me


Kya ab hayat us ki noori nazar hai

Koi jaa ke pucheh khudaa me kyaa hai

Wahi jaa woh Afroz shaam wo saher hai

woh zaat wo sifaat me chup kar hai ayaa

Kaya nukte tehrir ban kar idhar hai
Kiya peer Fehmi ne us dil ko roshan
Unhi par nichahwar ye jaan wo jigar hai
khulaasa hai us ka bas intaa hi Maroof
Hai takhme makhmal mufsil shajar hai



34 - Nazro Main Rahne Wale

Tere Dewane Bhala Tujh Ko Bata Kiya Samjhey
Samjhey Banda Ya Bandey Ka Khuda Samjhey

Dhondne Par Bhi Tere Milte Nahi Nakshey Qadam
Kaise Payen Ge Bhala Jis Ka Na Saya Samjhey

Chup Key Nazro Se Magar Nazron May Rahne Wale
Chashme Binai Bani Aankh Ka Parda SamJhey

Shakal Adam Se Ayan Hoti Hai Surat Kis Ki
Samjhe Surat Yeh Meri Ya Tera Naqsha Samjhe

Aa Bhi Jao Mere Is Khanaye Khalwat Main Sanam
Ta Ke Parda Bhi Rahe Jalwe Ka Jalwa Samjhe

Surat Yar Hui Aayena-e-Dil Se Zahir
Arsh-e-Azam Kahi Ya Kabe Ka Kaba Samjhe

Peer Fahmi Ka Hai Yeh Raaz Nahani Uncha
Khak-e-Athar May Chapa Gohar-e-Yakta Samjhe

Aa Gai Dast May Yeh Quwwat-e-Yade Beza
Is Ko Maroof Hum In Ka Hi Sadqa Samjhe

35 - SAMAYA HAI

Noor me noor jab samaya hai

Nukta tehreer ban ke aaya hai

Noor Ahmed ka odh ka jaama

Baage kasrat me gul machaya hai

Ja baja naam wala hai maujud

Yaar ka jism hai na saaya hai

Shobda kaari hum ko dikhlane

Sar Taapa kalma ban ke aaya hai

Rooh paltu to Hoor ho jaye

Aisa ulta hunar sikhaya hai

Taaj bakhsha hame khilafat ka

Lee hai baiyat kaha bataya hai

Raaze Aadam farishte paa na sake


Parda murshid ne wo uthaya hai

Raaz apna batane khud humdum

Peer Fehmi ka roop laya hai

Pehle apni khabar lo kuch MAARUF

Darya katre me chup ke aaya hai



36 – KHAWAB-E-ADAM

Khuwab Adam Se Peer Ne Mujh Ko Jaga Diya

Apni Khudi Main Apne Khuda Ka Pata Diya

Kin Ki Sadayen Aaj Bhi Sunta Hoon Rat Din

Aisi Sada Ke Arsh se Mujh Ko Gira Diya

Hai Tanziya Hasb Mera Aur Tashbiha Nasb

Gaib-O-Shahud Dono Main Jalwah Dhikha Diya

Kahte Hai Lamakan Jisi Wo Sir Hai Sir Mera

Arsho Zameen ka Rasta dam Main Bata Diya

Raazo Niyaz Apna Chupane Ke Waste

Ek Katra-e-Haqeer Ko Parada Bana Diya

Aadam Ke Aayene Main Wo Khud Ho Ke Jalwah Gar

Aadam Ko Sab Farishto Ka Qibla Bana Diya

Is Meem Ke Mahal Main Suno Rab Ka Raaz

Apni Khudi Ne Rasta Meraj Ka Diya

Aehsan Peer Fehmi Ka Kaise Ada Karu

Maaruf Ko Libas-e-Makar Se Bacha liya

37 - JAANTE HAI

Ye zaahid to dero haram jante hai
Khabar is ke aage ki hum jante hai

Zara thehro sab bhed khul jayega
Wo taare nafas ka bharam jante hai

Kahan hai wo gaare hira hum ko batlao
Wo jibraeel par tha karam hum jante hai

Zamee se kitna safar la maka ka
Fakeer nafs har kadam jante hai

Uljhna hai jis ko ulajh kar to dekho
Kya zero zabar pecho w kham jante hai

Tere chahne wale masti me aa kar
Teri be rukhi ko karam jante hai

Na kaafir na momin na Aarif na Zaahid
Makar ke ye phande sitam jante hai

Na chedo hame hum hai aashiq deewane

K hum to mizaaje zam jante hai

Hami se hai zaahir ham se hai baatin

Wo parda nashi ka bharam jante hai

Ye saare hi naqshe hai Fehmi piya k

Wo duniya me rehkar Adam jante hai

Haqeeqat hamari hai itni MAARUF

Ek katre me darya bahem jante hai

38 - NAKSHA-E-MOHABBAT

Mohabbat Ke Jo Naqshe Qalb May Tayyar Hote Hai
Ubhar Kar Wo Tassawwor May Rukh Dildar Hote Hai

Wahi Bar-e-Amanat Ka Hua Hamil Bhi Hafiz Bhi
Hawas-e-Qalb Jis Ke Har Ghadi Bedar Hote Hai

Mayyassar Jin Ko Hoti Hai Yaha IKhlas Ki Daulat
Dil-e-Kaba Unhi Ki Khak se Tayyar Hote Hai

Kitab-e-Surate Jana Padhai Jab Se Dilbar Ne
Jhukata Sar Ko Hoon Main Aap Ke Didar Hote Hai

Kharama Aa Rahi Hai Har Jagah Lolak Ki Khushbu
Mahekta Zarra Zarra Hai Gul-e-Gulzar Hote Hai

Tajali si chamakti Hai Dil-e-Betab Pe Mere
Niga-e-Peer Fehmi May Kai Asrar Hote Hai

Ke Jin Ke Qalb Pe Mohar-e-Nabuat Sabt Hai Maroof
yeh Woh Sikke Hai Jo Har Daor Main Darkar Hote Hai

39- TOL RAHA HU

Wo baare amaanat ka wazan tol raha hu

Good di se apni laal gohar khol raha hu

Nukte ka bhed raaz-e khafi khol raha hu

Parde me chupa hu magar bol raha hu

Zaat nabi hai zaate khuda zaate peer bhi

Teeno ko ek dam me hi ghol raha hu

Ganje khafi hai mere hi andar chupa hua

Is waaste har daur me anmol raha hu

Shetaa se maine pucha hai aadam ka raaz kya

Shetaa bola jab se mai laa hol raha hu

Fehmi piya ki chashme inaayat ka faiz hai

Ashaar ki surat me haq bol raha hu

Meeza-ne maarefat me to Maaruf tol kar

Allah nabi ka kitna wazan bol raha h

40 - CHAHIYE

Tum Ko Kasrat May Wahdat Agar Chahiye

Pahle Zaat Wa Sifat Ki Khabar Chahiye

Ishq Wa Himmat Sadaqat Khulus-e-Nazar

Ru Baru Yaar Ke Ba Asar Chahiye

Yeh To Saman hai Yar Ki Deed Ka

Zikar Kuch Sabar Kuch Aur Asar Chahiye

Ishq Ka Khud Ko Pahle To Eendhan Bana

Ishq Ka Daawa Phir Aey Bashar Chahiye

Khak-e-Hasti Se Uthne Laga Hai Dhua

Yaar Ko Jalne Wala Hi Ghar Chahiye

Is Khilafat Main Pinha Hai Paigambari

Qabil-e-Deed Apni Nazar Chahiye

Peer Fehmi Yeh Nikli Hai Dil Se Sada

Daulat-e-Sar Madi Sar Ba Sar Chahiye

Ishq Se Hai Yeh Roshan Fakiri Meri

Booye Maroof Khair-ul-Bashar Chahiye

41 - RAAZE KHAFI

Raaze khfi se parda uthya hai peer ne

Didar mujko mera karaya hai peer ne

Kya meri hakikat hai ye kya mera raaz hai

Aaina mann araf ka dikhaya hai peer ne

Kis noor se banayaa hai aalim ko khuda ne

Kya noor ke hai mayene bataya hai peer ne

adam ke dam me kis ka ye har dam zahoor hai

Parda banayaa kis ka batayaa hai peer ne

Zer-o-zabar naa hote to tashdid ka kya kaam

Pesh wa jasam ye kya hai sikaya hai peer ne

Giyaraa imaam zahera batin hai baarwah

Bara imaam kya hai batayaa hai peer ne

Kabe me kon rehta hai zam-zam ke kya maine

Kabe ki hakikat ko dkhayaa hai peer ne

Allah panjataan ko bhi ukli me dam ki kot


Peere muga ki goli banayaa hai peer ne

Allah nabi shaitaan bane Peer fehmi bhi

Charo musalle kaise sajaayaa hai peer ne

Maroof be khudi ka ye kaisa khumaar hai

Waidad ka nasha mujpe chadhayaa hai peer ne



42 - KHAYAL MAIN PUKHTAGI

Kuch Is Qadar Khayal Ko Pukhta Banaiye
Woh Aayenge Nazar May Nazar Ko Jamaiye

Parwaz-e-Nazar Apni To Itni Badhaiye
Zere Zameen Se Arsh Ka Naqsha Dikhaiye

Naqsh-e-Qadam Bhi Yaar ke Kabe Se Kam Nahi
Har Ek Qadam Pe Sajde Pe Sajde Lutaiye

Parda Nasheen Hoon Ya Koi Parda Bana Hoon Main
Duba Hoon Kis Khayal May Kuch To Bataiye

Hoti Hai Paida Daman-e-Ummid Se Dui
Shark-r-Khafi Se Qalb Ko Apne Bachaiye

Fehmi Piya Ka Kaol hai Eeman Aisa Ho
Har Ek Saanse May Naya Eeman Laiye

Yeh Quwat-e-Qalam Nahi ShamSheer Se Bhi Kam
Maroof Soch Kar Apna Kalam Uthaiye

43 – WAJUD-E-AADMI

Wajude Aadmi ho kar khuda ki shaan layaa hu

Mai apne aap me kon-o makaa ki jaan layaa hu

Chupaa ganje khafi noor-e nabi sarre ana mujme

Hazaaro sir me rakh kar kinti samaan layaa hu

Hakikat ko shariyat ki nazar se dekhne walo

Us ka noor ho or noor ki pehchan layaa hu

Hamare dam ke andar hai nihaa israr ye kitne

Har ek taar-e nafs me narre irfaan layaa hu

Mera marna hi jinaa hai mera jinaa hi marna hai

yahan marne se pehle marne ka samaan layaa hu

Mere Fehmi piya me dil ke andar khauf kis ka hai

Chupaa ke darya katre me kayee tufaan layaa hu

Nafak kehne se pehle rooh kaha thi tann kaha Maroof

Sarapa raaz ban ka raaz ka deewan layaa hu

44 - WASTE ALLAH

Jo Sajde Waste Allah Kiye Wo Naam Ke Nikle

Kiye Jo Zaat Ko Meri Bade Hi Kaam Ke Nikle

Mere Sajde Ki Barkat Se Khula Wo Dar Mohabbat Ka

Sabhi Sajde Mohabbat Ke Uruj-e-Baam Ke Nikle

Hazaro Pedh Jannat May Lagaya Malik-O-Maula

Magar Ek Pedh Ke Dane Bohat Hi Kaam Ke Nikle

Hamari Kiya Hakikat Hai Khuda Se Puch Le Zahid

Pata Chal Jayega Tujh Ko Haram Kis Kaam Ke Nikle

Hamari Kiya Khata Thi? Kiyu Utara Farsh Pe Tu Ne

Chalo Niklo Sada Aai Kaleja Tham Ke Nikle

Khuda Ke Baad Sajda Kab Rawan Hai Kol Shaitan Ka

Khuda Ke Naam Ke Sajde Sabhi har aam Ke Nikle

Talash-e-Yaar May Dair-O-Haram Ki Thokren Khai


Hua Maloom Ke Raaste Do Gaam Ke Nikle

Hukum Tha Ek Sajde Ka Karaya Paanch Kiyu Sajde

Huye Jo Char Sajde Peer Fehmi Kaam Ke Nikle

Woh Sajda Noor Wala Noor Ko Tha Raaz Kya Maroof

Isi Ek Fikar May Nau Maah Bade Aaram Ke Nikle



45 - TAASEER LAYA HU

Mohammed mustafa ki bolti tasvir layaa hu

Meri har saas me Allah ki tehrir layaa hu

Amanat hai khilafat hai nabuwat hai wilaayat hai
Chupa kar ganje makfi seene me tanveer layaa hu

Khulasa mann araf ka ho gaya mairaj me ja kar
Use didah nashi ki didni taasir layaa hu

wohi nukta hu jis me zam hua Quran ka kuraah
Harf-e makhzine irfaan ki tafsir layaa hu

Alif ka takham Allah ne lgayaa laa makaa me jab
kehlaa adam safi Allah wohi taamir layaa hu

Chirage mann araf ko haat me le kar zara dekho
Musauvir jis me rehta hai wohi tasvir layaa hu


hamara silsila hai Qadri aur chistiya piyara
Nabi ki gaus ki khwaja ki ye zanjir layaa hu

hazaro shama roshan ho gayee hai peer Fehmi se

Is shamm-e khuda dani se kuch tanvir layaa hu

Batao ishq kya hai husn kya hai noor kya Maroof

Hazaaro raaz dil me pechidah dilgir layaa hu



46 - BHAJAN

Mann Ke Mandar May Hai Bhajan Apna

Paas Anfaas May Hai Kishan Apna

Ram Ko Paalo Apne Tann Mann May

Rama Rag Rag May Hai Raman Apna

Nahi Aana Yaha Nahi Jana Wahan

Zarre Zarre May Hai Watan Apna

Yeh Amanat Kahan Se Aai hai

Woh Rakha Tha Kahan Ratan Apna

Paanch Hurfoon May Sara Aalam Hai

Chey May Aakar Chupa Hai Sajan Apna

Phool Khilte Gaye Wilayat Ke

Qadri Chishtiya Chaman Apna

Main Khuda Hoon Magar Nahi Allah


Yaar Samjhe Nahi Sukhan Apna

Roop Har Ka Liye Hai Fehmi Peer

Hari Se Ho Gaya Milan Apna

Noor-e-Ahmed Ka Hai Jasad Maroof

La Ilaha Ka Hai Kafan Apna



47 - BAZAR-E-ISHQ

Ishq Ke Bazar Main Khud Ko Luta Kar Dekh Le
Yaar Khud Maojud Hai Parda Utha Kar Dekh Le

Justaju Karna Hai Kiya Dair-O-Haram May Yaar Ki
Apne Dil May Ishq Ki Shamma Jala Kar Dekh Le

Raaz-e-Hasti Shash Jahet Ek Aan May Khul Jayegi
Mann Araf Ke Raaz Ko Khudi May Pa Kar Dekh Le

Kon Allah Kon Banda Kon Shaitan Hai Yahan
Parda-e-Gaflat Zara Gafil Utha Kar Dekh Le

Panjatan Allah Nabi Hai Kalme Ke Har Taar May
Har Nafas Ke Taar Ko Dam May Baja Kar Dekh Le

Peer Ke Kadmo May Rehna Hai Uruj-e-Bandagi
Har Ada Se Peer Peer Fehmi Ko Mana Kar Dekh Le

Maane Baiyyat Ke Yahi Hai Bech De Apni Khudi
Ho Ja Tu Maroof Haq Hasti Mita Kar Dekh Le

48 - DOGANA

Kalma-e-Tayyab Ka Hai Yeh Afsana

Ek Musalleh Pe Hai Yeh Dogana

Dekh Lete Hai Band Aankho se

Kis May Kitna Hai Zarf-e-Paimana

Dam May Un Ke Khudai Raksa Hai

Kon Jane Kahan Hai Diwana

Ho Gaya Hai Wajud Se Sabit

Kon Shama Hai Kon Parwana

Jis Ko Aab-e-Hayat Kehte Hai

La Ilaha Ka Hai Woh Maikhana

Jis Ne Hasti Ko Apni Pehchana

Wahi Adam Yahan Hai Durr Dana

Ishq May Khud Ko woh Mitayega

Peer Fehmi Ka Jo Hai Diwana

Khud Ki Mairaj Us Ko Kehte Hai

Khud May Maroof Khud Ko Paya Hai

49 - TAMASHA

Kya Tanmasha Hai Zindagani Ka

Aadmi Bulbula Hai Pani Ka

Ramze Kalma Samajh Arey Nadan

Is May Pehla Sabak Hai Fani Ka

La Makan Se Makan May Aaya Hai

Hai Safar Tera La Makani Ka

Dam May Adam Ki Haq Sanasi Hai

Hai Maza Dam May Lan Tarani Ka

Saaf Kehne Laga Hai Malkul Maut

Bhed Bhari Hai Zindagani Ka

Char Din Ki Teri Jawani Hai

Haq Ada Kar Le Tu Jawani Ka

Padh Le Kalma Tu Peer Fehmi Se

Yeh Sabak Aaj Man Yarani Ka

Tu Shahenshah-e- Waqt Hai Maroof

Kaam Kar apni Hukmarani Ka

50 - RAAZ-E-HASTI

Raaz-e-Hasti Meri Hai Samjhana

Aarifana Hai Ya Fakirana

Noor-e-Haq Ya Noor-e-Ahmed Hoon

Mujh May Kis Ki Tajalli Dikhlana

Paanch Hurfoo Ke Panch Sajde Hai

Kaon Chata Imam Batlana

Kahan Mehrab Hai Kahan Mimber

Kahan Khudba Kahan Hai Dogana

Aanth Allah Jo Kehte Hai Is Tann May

Kahan Aakhir Chupe Hai Batlana

Jis May Allah Nabi Hai Shaitan Hai

Peer Fehmi Ka Hai Wo Maikhana

Jis Ne Kalma Padha Woh Kafir Hai

Kuch To Maroof Raaz Samjhana

51 - BATANA PADA

Nafs-e-Shaitan Ko Jannat May Pada

Ek Dana-e-Gandum Khilana Pada

Laam Alif Ki Ajab Khincha Tani Hui

Meem Ka Ek Parda Uthana Pada

Ek "La" Se Mila "La" Jis Ghadi

Ek Nukta Chupa Ek Nukta Khula

La Makan May Andhera Pada Bohat

Noor Ki Is Ko Shama Jalana Pada

Bhed Sar-e-Nahani Ka Hai Pur Gasab

Khak Aur Noor Ka hai Yeh Khel Ajab

Raaz Apna Batane Ke Waste

Khud Farishto Se Sajda Karana Pada

Ban Ke Ahmed Gaye Woh Sare Arsh Par

Ban Ke Adam Rahe Woh Sare Faresh Par

Farsh Par Dhum Hai Arsh Par Dhum Hai

Kuch Batana Pada Kuch Chupana Pada

Jab Nafakh Kahe Ke woh Yaar Dakhil Hua
Amur-e-Rabbi Ka Us Dam To Aqida Khula
Dam Ki Kiya Hai Haqiqat Batane Hame
Dam May Aana Pada Dam May Jana Pada

Bhes May Peer Fehmi Ke Aaya Hai Woh
Kiya Hai "La" Kiya Hai "Ilah" bataya Hai Woh
Khud Sharab Tahura Pila Kar Hame
dam May Ka Jhula Jhulana pada

Panjatan Paak Ka Khub Barzak Hai Yeh
Ek Moamma Ahi Yeh Khuda Ki Kasam
Kiya Haqiqat Hai Maroof Pane Hame
Khud May Gotey May Gota Milana Pada

52 – HUSN-O- ISHQ

Nafse ammara ke andar Ishq jalwah geer hai

Jis taraf daalo nazar kya husn ki tasveer hai

Noor ki saache me dhal kar husn ayaa hai yaha

kuhe sine ki tajalli ishq ki tanveer hai

sadara ke aage gayaa bas noor ahmed ka jamal

Laa makaa ki zulmato me noor ki tanveer hai

Noon me tha poshidah par wow se woh khud hua

Re se woh phir rab banaa ye noor ki tafsir hai

haa ki mani hai wajud seen se sarre khuda

Noon se noor nabi ye husn ki taamir hai

Ain me nukta numaa hai kulle shain shin se

Kaf se kul amre rabbi ishq ki tafsir hai

Nafs ki tirkot me hai zaat ka moti chupa

tin nukto me muzammir yaar ki tadbir hai

Peer fehmi se mila Maroof nukte ka ye raaz

Zam hua hai quran bhi kya nukte ki taseer hai

53 - MEEM KA PARDA

Ek Meem Ke Parde May Kya Khel Nirala Hai

Kasrat Ke Andhero May Wehdat Ka Ujala Hai

Zulumma Jahula Ban Kar Bar-e-Uta Uthaya

Is Bar-e-Amanat Ka Kuch Bhed Nirala Hai

Qatre May Chupa Darya Jaise Sadaf May Moti

Woh Band Hai Bande May Aur Khud Ko Sambhala Hai

Har Naam Ke Hai Mani Aur Allah Hai Be Mani

Is Raaz Ko Pao Kiyu Naam Me Tala Hai

Kiya Cheez Pilayee Hai Fehmi Ke Tasadduk May

Ye Nagma Khafi Ka Hai Tum Ne Hi Uchala Hai

Mann Araf Ka Aaina Maroof Khud May Dekho

Qad Arf Ke Jalwon Se Har Dam May Ujala hai

54 - PARDAYE SURAT

Kis tasawoor me ye tasveer banai ho gi
kon si is me siyahi ko lagayi hogi

Kis jaga baithe ke tasveer numai hogi
Pehle adam ki yaa hawwa ki banayi hogi

Us ko shaitaan ka aata na bhala kaise khayal
ganja makhfi me woh halchal jo machayi hogi

Kis ki surat pe ye surat ko banayi hogi
Sur-e ain se tasveer numayee hogi

Ek surat ki do tasveer nahi ho sakti
Warna touhid me ye naksh numayee hogi

Peer fehmi ke parde me woh surat piyari
Noor hi noor ke Saache me banayee hogi

Lohe hasti se ana ko to mitao Maroof
Warna har bat teri sirf badayee hogi

55 - CHALE GAYE

Raaz-e-Khafi Se Parda Uthate Chale Gaye
Ghar Ghar May Mohammad Ko Dikhate Chale Gaye

Pucha Khuda Kahan Hai Yeh Raaz-e-Khudi Hai Kiya
Aayena Mera Mujh Ko Dikhate Chale Gaye

Wahdat Ka Maiqada Hai Sharab-e-Tahur May
Aankho Se Apne Jaam Pilate Chale Gaye

Mansoor Daar Se Yahi Deta Raha Sada
Saanson May Anal Haq Woh Sunate Chale Gaye

Manzil May Ek La Ke Hai Hosho Hawas Gum
La Ka Nazara Hoo May Karate Chale Gaye


Apni Khudi Khuda Hai, Khuda May Khudi Chupi
Raazz-e-Khuda Khudi Main Banate Chale Gaye

Har Ek Nafas Khudai Hai Kalme Ke Taar May
Kalme Ka Taar Dam May Bajate Chale Gaye

Roshan Dimago Dil Hua Un Ke Karam Se Aaj
Kalme Ki Shama Dam may Jalate Chale Gaye

Fehmi Piya Hai Har Jagah Hai Noori Libas May
Har Shai may Noor ban Kar Samate Chale Gaye

Kis Se Kahoge Raaz Yeh Maroof Chup Raho
Diwangi May Raaz Sunate Chale Gaye



56 - UTHA KAR CHALE GAYE

Husne Azal Ka Nagma Suna Kar Chale Gaye

Dam Ko Musaffa Dil Ko Jila Kar Chale Gaye

Samjhe Nahi Hai Kon Bashar Ke Libas May

Ek Meem Ka Tha Parda Utha Kar Chale Gaye

Hai Be Khabar Farishte Wo To Dam Ka Raaz hai

Zikre Khafi Se Dam Ko Saja Kar Chale Gaye

Ishq Khudi Se Badh Kar Nahi Hai Koi Nasha

Inni Ana Nazr Se Pila Kar Chale Gaye

Noor Se Hi Ho Gaya Aalam Ka Yeh Zhoor

Is Noor May Woh Noor Ko Mila Kar Chale Gaye

Chauda Tabak Ka Raaz To Ek La May Hai chupa

Pehla Sabak Hai Kalma Padha Kar Chale Gaye


Kaba Kalisa Mandir wa Masjid May Kiya Mila

Pandit wa Mullah Thokre Kha Kar Chale Gaye

Dam Tha Bana Imam Wo Tann Ke Musalle Par
Tann May NAMaz-e-Ruh Padha Kar Chale Gaye

Surat Pe Kis Ki Shayda Yeh Fehmi Piya Huye
Apne Hazr Wajood Dikha Kar Chale Gaye

Sar Se Yeh Pair Tak Tere Lakho Quraan Hai
Maroof Ek Dam May Padha Kar Chale Gaye



57 - KHAYAL AAYA

Khuda Ko Ganje Makhfi Se Nikalne Ka Khayal Aaya
Bana Kar Noor Ka Naqsha Samane Ka Khayal Aaya

Khilafat Aur Nabuwat Ko Chalane Ka Khayal Aaya
Amama Noor Ka Sar Pe Sajane Ka Khayal Aaya

Banaya Barzq-e-Qubra Ba Shakle Adam Wa Hawwa
Khuda Ko Apni Surat Jab Dikhane Ka Khayal Aaya

Pahen Kar Noor Ka Jama Woh Nikla Yaar Parde Se
Khuda Ko Jab Mohammed Ban Ke Aane Ka Khayal Aaya

Har Ek Manke May Lakho Ambiya Hai Auliya Sare
Hazro Naqshe Adam May Chupane Ka Khayal Aaya

Jagane Khwabe Gaflat se Bajaya Saaz Wehdat Ka
Mohammad Peer Fehmi Ko Jagane Ka Khayal Aaya

Banaya Kis Liye Aalam Haqikat Jaan Lo Maroof
Kahani Ishq Ki Apni Sunane Ka Khayal Aaya

58 - JAWAN REHTA HAI

Husn har dam jawan rehta hai

Ishq jab meherban rehta hai

Teerchi baanki hai ishq ki ye gali

Har gahdi imtehaan rehta hai

Kon aata hai kon jaata hai

Kalmaa-e taiyab ka dhyaan rehta hai

chaudah darwaze ek makaan me hai

kis jagah ye makaan rehta hai

wahi paate hai hosh ko apne

Jis ka dam per hi dhyaan rehta hai

Peer Fehmi hai saaki-e doraah

Har ghadi Meherbaan rehta hai

Hai makaa ab tera kaha Maroof

Tujhme ek laa makaan rehtaa hai

59 - HUM JANTE HAI

Kaon Hai Saheb-e-Irfan Yeh Hum Jante Hai
Kahan Nazil Hua Quraan Yeh Hum Jante Hai

Ek Nukte May Hai Allah Nabi Aur Shaitan
Khas Nukte Ka Hai Irfan Yeh Hum Jante Hai

Jism Ka Jama Pahen Kar Wo Bashar Aaya Hai
Wahi Bande May Hai Rehman Yeh Hum Jante Hai

Nafakh Kehte Hai Jise Pucho Khuda Se Pehle
Kis Liye Ho Tum Pareshan Yeh Hum Jante Hai

Ek Sajde Se Bata Kiyu Hua Shaitan Munkir
Kiyu Hai Zid Par Ada Yeh Hum Jante Hai

Maane Pucho To Mohammad Ke Mohammed Se Tum
Kiya Mohammed Ka Hai Irfan Yeh Hum Jante Hai

Piya Fehmi Ke Yahan Kalma Milega Tum Ko
Yeh Hai Bakshish Ka Hi Saman Yeh Hum Jante Hai

Kadmo May Hai Jis Ki Khudai Hai Chupi Aye Maroof
Hai Kahah Woh Tera Mehman Yeh Hum Jante Hai

60 - RAAZ-E KHAFI

Peero murshid raaze makhfi hum ko ye batlaye hai

Allah ke hi haato beek ke allah ko hi paaye hai

Aa raha saason me apne phir ibadat ka maza

Aati jaati saans me hum zikre haq ko paaye hai

Dil hai bas insaa ka kaaba kaabe se mehraj hui

Kalbe momin arsh allah raaz ko hum paaye hai

Zoke nazar hai itna uncha arsh bhi chota lage

Rooh-ilah me ruk jate hai hum ye kaha par aaye hai

Pardaye zulmat hai hum me is ka zara bhi dar nahi

Noor ko barsane waalesaath apne aaye hai

Kya nafi asbaat hai is se kya haasil hai hame

jaan-e jaa khilwat ka hum parda uthane aaye hai

Haa jate zarra nawazi se mubarra ho gaye


Banda parwar jalwa apna aap me dikhlaye hai

Sur taa pa kalma numa hai zaate hasti sahs jahet

Peer Fehmi raaze kalma is tarah samjhaye hai

Nehno akrab ganje makhfi man araf raaze khafi

Bhed ye kudrat ke hai Maaruf ne jo paaye hai



61 - MUJHE MALUM NA THA

Ganje Makhfi May Chupa Tha Mujhe Maloom Na Tha
Kun Se Zahir Woh Khuda Tha Mujhe Maloom Na Tha

Bees Pe Aath Huruf Ka Woh Pahan Kar Jama
Dar Badar Yaar Phira Tha Mujhe Maloom Na Tha

Arsh Se Farsh Pe Aaya Hai Mohammed Ban Kar
La Ke Parde May Chupa Tha Mujhe Maloom Na Tha

Shab-e-Meraj May Do Noor Ka Yeh Raaz Khula
Khuda Khud Banda Numa Tha Mujhe Maloom Na Tha

Hai Kahan Yaar Ke Hatho Ki Dekh Turpai
Kitna Bandha Woh Girah Tha Mujhe Maloom Na Tha

Kon Anfas Ke Hai Parde May Aata Jata
Paas Anfas Pata Tha Mujhe Maloom Na Tha

Beshtar Kun Ke Wahi Tha To Wahi Aya Hai
Peer Fehmi Hi Khuda Tha Mujhe Maloom Na Tha

Panjatane Paak Ka Maikhana Bana Hai Maroof
Meri Rag Rag May Nasha Tha Mujhe Maloom Na Tha

62 - ZAATE WEHDAT SE AANA PADA

Zaate waihedat se kasrat me aane ko hum

Ek tinka alif ka bananaa padaa

Naa binaa ki ek rehbari ke liye

Laam ki is ko lazzat chakhana padaa

Laam alif dono ek sath milte rahe

Ek laa ki achanak surat bani

Paane ko alif laam ki lazzate

Mim ko raahe ulfat batana padaa

Ye alif laam me mim ke waaste

Saikdo ishq ke bangaye raaste

Jo bhi samjha hai woh marde kaamil hua



Nasamajh hai ise raah dikhana padaa

Ye nukta alif hi se aadam hua

Sab farishto ne adam ko sajda kiya

Ye mukamaat samjhaane aadam ko phir

Pehla apna khalifa banana pada



Is alif me ek naam gum naam tha
Phir aadam se hawwa ka ukdah khula
Lazzte meem paane in dono ko
Mewah gandum ko jannat me khana padaa

Ek alif me ahad wa ahmed base
Is alif me adam wa iblis chupe
char alif ka jab raaz khulne lagaa
Banke Allah miyaan unko aana pada

Ek kandil me noor do do rakha
Peer Fehmi se ye bhed aakhir khulaa
Laa makaah ke makaah me is kandil ko
'Hoo' ki kuhti me is ko tangana pada

Raaz ki baat hai raaz me rakh ise
Raaz paa kar na shoro gul tu macha
Kya hakikat hai Maroof paane ise
Zaat-e wahadat ka pardaa uthana pada

63 - JALAL WA JAMAL

Noor-e-Jamal Samjho Kiya Noor-r-Jalal Hai
Dono May Fark Kitna Hai Aur Kiya Kamal Hai

Allah bhi Noor Hai To Mohammad Bhi Noor Hai
Yeh Noor Hai Jalal Woh Noor-e-Jamal Hai

Allah Ke Noor Se Hai Mohammad Ka Noor Jab
Noor-e-Jalal Se Hua Kaisa Jamal Hai

Kis Noor Se Hua Yeh Shaitan Ka Zhoor
Noor-e-Jalal Samjhe Ya Noor-e-Jamal Hai


Peshaniya Aadam May Thi Dono Ki Kirne
Kis Noor Ko Tha Sajda Malak Se Yeh Sawal Hai

Shaitan Noor-e-Haq Ka Pujari Yeh Kaha
Sajda Karo Dono Ko Yeh Kab Halal Hai

Marne Se Pehle Marna Tassawof Ka Kol Hai
Woh Kon Tha Jo Mar Gaya Kis Ko Wisal Hai

Kiya Noor Ke Hai Maani Yeh Fehmi Piya Se Paya
Zam Hona Khud Ke Noor May Har Dam Kamal Hai

Ek Saans Hai Jalali Jamali Hai Ek Saanse
Maroof Yeh Dalil Hai Nahi Kil wa Kaal Hai



64 - SAIR KARNE AAYA HUN

Sair karne aaya hun sair karke jaunga
Maikashon ki jannat ko farsh pe basake

Ye kitab-e-ulfat ka pehla hai sabak
Jaan-o-imaan dil mera unpe sab lutaunga

Kaabe kaaba hai mere yaar ka kuncha
Har kadam par dogana sajdon ko lutaunga
Man araf ke dariya mein gauta jab lagaunga
Kad araf ke moti ko dam badam mein paunga

Kaun padh raha hai ye kaaba dair ke kutbe
Luhe hasti ko meri naqsh-e-laa banaunga

Wo imaam-e-maikhana peer fehmi ye bole
Gulshan-e-khapoli ko maikada banaunga

Zikr-e-hoo mein chudha ye dar khule hain aye maaruf
Mustafa ka dar har dar ko batunga

65 - KHUDA SE PEHLE

Mohammed naam tha mera khuda ke naam pe
piyala noore wehdat ka piya har jaam se pehle

Ana noor-e-mohammed kehte nikla ganj-e-khafise
nabuat ka amama sirpe tha islam se pehle

Namaz-e-ashiqui zahid na samjha hai na samjhega
namaz-e-wasl dogana padhi aramse pehle

Padhaie ek sau chaudha rakaten saat manzil mein
kiye chaudha wo sajde ba adab har gaam se pehle

Kiya zikr-e-jali sirr-e-khafi noorie-o-akhfa bhi
tha paancho zikr mein masruf subha-o-sham se phele

Mohammed ban ke aaye peer fehmi har zamane mein
naqab-e-manaraf jisne uthaei baam se pehle

Kaha tha kaaba butkhana siwae aapke maaruf
mera he naam tha maujood har ek nam se pehle

66 - ALIF-LAAM-MEEM

Laam-alif se ye uqda khula hai

Meem ka ek parda chupa hai

Laam-alif par 'he' ki mohar hai

Laam-alif meem ka majira hai

Laam ke tees nukton ko samjho

Ishq ismein he jalwanuma hai

Laam alif ki ye kaisi kashish hai

Meemka ka ek parda utha hai

Paanch alif se he allah miyan hai

Raaz ye laa ilaaha se khula hai

Kiya namaz aur roza hai samjho

Kiya zakat aur hajj mein chupa hai

Laam alif meem yakja hue to


Ye nizam-e-qudrat chala hai

Ye safar laamkaan ka hai dilkash

Jo bhi paunhcha wo haji hua hai

Laam alif mein he ghar meem ka hai

Meem ye nun maaruf pata hai



67 - KAUN AAYA HAI YAHAN

Ishq ki shamma jalane kaun ayay hai yahan

Jism ko noorie banane kaun ayay hai yahan

Dam ke ye do taar mein he zindagi ka saaz hai

Nagma haa hoo he sunane kaun aya hai yahan

Ishq ke bande bhi hum hain ishq ke maula bhi hum

Ishq mein hasti mitane kaun aaya hai yahan

Ishq ki buniyad par hai husn ki taamir jab

Dono aalm ko sajane kaun aaya hai yaahan

Kismein himmat hai jo dekhe yaar ka husno jamal

Husne yakta ko dikhane kaun aaya hai yahan

Ganj-e-makhfi se nikal kar peer fehmi aagaye

Kunto kanzan ko sunane kaun aaya hai yahan

Jhoomna hai jhumiye isbaat pe maaruf tum

Ishq ki duniya basane kaun aaya hai yahan

68 - IMAAM AAYA HAI

Banke nukta imaam aaya hai
Pal mein dono jahan sajaaya hai

Ek qatre mein bahrke maikhana
Jaam aisa humein pilaaya hai

Jo haqiqat ko nafas ki samjha
Rab ko khud mein usine paaya hai

Nahano aqrab ke hain yahi maane
Allah bande mein aasmaaya hai

Teen nukton se ek aalif bana
Raaz che nukton mein chupaaya hai

Peer fehmise raaz ye hai khula
Nukta tehreer ban ke aaya hai

Parda meem dikhane maaruf
Sir pe nukta aalif laaya hai

69- MAKAA-O-MAAKEEN

Allah makeen to ye mohammed makaan hai

Dono mile to raaz khula kiya ye jaan hai

Chaaro haraf ki dekh tajjalli kahan padi

Qalb ye jagmagaya mohammed ki shaan hai

Atthara anasir se hai ye meem ka mahal

Ek meem ke mahal mein ye kauno makaan hai

Sair fi allah karo khud ke wajood mein

Apne he makaan mein wo chupa laamkaan hai

Allah farsh par to mohammed hai aarsh par

Aadam ke dam mein dono ki ye khinch taan hai

Apna hai mehndi har ghadi har aan samne

Gafil ka mehndi gaib mein dono jahan hai

Beshak hai peer fehmi bashar ke libaas mein

Ye bashar mislekum bhi mohammed ki shaan hai

Maaruf hai makaan aur makeen ke darmiyan

Samjho zara ye kis jagah apna nishan hai

70 - DEKHO

Ye raaz-e-khuda khud mein paakar to dekho

Ek inni ana allah ko gaakar to dekho

Khudaie khudi mein khudi hai khuda mein

Khudi ko khuda mein mila kar to dekho

Wahi jalwa farma hai dairo haram mein

Khudaie ka parda utha kar to dekho

Kitab-e-khudi ki bhi karne tilawat

Ye dilka chirag ab jala kar to dekho

Kahan par hai allah kahan hain mohammed

Indono ko khud mein he pakar to dekho

Khuda khud hai banda kahenge ye zahid

Sharab-e-analhaq pila kar to dekho

Abhi manaraf ka ye uqda khulega


Zara daste-e-murshid mila kar to dekho

Mere peer fehmi hain taar-e-nazar mein

Nazar se nazar tum mila kar dekho

Har ek saans hoo hoo sunati hai maaruf

Ye saanson ka baaja bajakar to dekho



71 - DIKHANA HOGA

Ek din khana-e-khilwat mein to aana hoga
Laa nafi khud mein he kar karke dikhana hoga

Zaat-e-aadam k i haqiqat ko batane humko
Meem-e-ahmmed ka wo parda to uthana hoga

Jo na jana hai haqiqat ko haqiqat ki kasam
Ek din naar-e-saqar un ka thikana hoga

Range allah ke gar raaz ko pana hai jise
Nisbat-e-rang se phir dil ko rangana hoga

Kaun allah hai yahan kaun mohammed hain rasul
Ek soo teen mein guota to lagana hoga

Peer fehmi ke hain sine mein wo raaz-e-gauhar
Sina ba sina us raaz ko paana hoga

Raahе haqiqt mein tasdeeq zaruri maaruf
Isliye laa mein he ilaha ko jamana hoga

72 – NABU'AT KI AAG

Aag hai nabuat ki mere aashiyane mein

Kohe toor jalta hai ek jhalak dikhane mein

Jab diya ana ki jala lamakan ke zulmat mein

Noor noor chaya hai in ke aashiyane mein

Nafas, rooh, dil ka nishan hai khudi mein dekho zara

Sirr, noor, zaat-e-khafi mere tan ke khane mein

Meem ke he parde mein chup gaya ahad hai wo

Ban ke noor-e-ahammed wo aagaya zamane mein

Lam, aalif aur meem ka raazye khula hum par

Do aalif 'la' ek bana meem ke fasane mein

Lana inka mansha tha hum yaha chale aaye

Jana apni marzi se zaraf hai deewane mein

Dekhlo aae deewano peer fehmi aagaye hain

Kitni raatein ye guzregi ek jhalak ye pane mein

Man araf ki kandeel mein noor ana ka tha maaruf

Noor naar wahi hua dil ke aashiyane mein

73 - TAAR MEIN HAI

Meri hasti hamesha yaar mein hai

Yaar mera ab ek taar mein hai

Tuhi mansoor mein soor ki surat

Sirr-e-mansoor dekho daar mein hai

Analhaq kehne wala kaun tha wo

Kis ka sir wo bataio daar mein hai

Siwa unke nahi koi maujood

Deed wala maqam yaar mein hai

Rehmate haq sada barasti hain

Kaun banda jo gunhegar mein hai

Peer fehmi ka hai karam sabkuch

Warna banda ye kis shumar mein hai

Chalo maaruf wahan ki saer karen

Jahan lakhon khuda qatar mein hai

Hum hain maaruf uski rehmat mein

Jis ke khud bhi khuda khumar mein hai

74 - RAKHTE HAIN

Munh mein haqki zaban rakhte hain
Khud mein kauno makan rakhte hain

Kaun hum hain kahan se aaye hain
Ba khabar log dhiyan rakhte hain

Man araf kad araf ka raaz khula
Abd mein rab shaan rakhte hain

Aarsh-e-aazam ko wahi chute hain
Jo bhi unchi udaan rakhte hain

Bandh karte hain nau/9 wo darwaze
Daswe dar ka ka giyaan rakhte hain

Wahi haq ki sharab peete hain
Kalma jo ba imaan rakhte hain

Peer fehmi ne bakhsha raaz-e-khafi
Hum bhi haq ka nishan rakhte hain

Karne khud ki tilawaten maaruf
Khud mein ummul quraan rakhte hain

75 - PAAYE JAATE HAIN

Lauhe hasti mitae jate hain
Unka naqsha jamaye jate hain

Dar-e-jaana pe hai jabien apni
Bigdi kismat banaye jate hain

Chashme jana ki ajab taasir
Rone wale hasaye jate hain

Jisne samjha maqam-e-dil apna
Rutbe uske badhai jate hain

Har jagah baat banhi jati hai
Sadqa murshid ka paye jate hain

Baat jo bhi karo samajh ke karo
Baat ke par lagaye jate hain

Rind ko par laga parind bna
Udne wale udaye jate hain

Peer fehmi ka karam maaruf
Laaj apni nibhaye jaate hain

76 - MURSHID MERE MURSHID

Peer-o-murshid teri mehrbani rahe
Teri khidmat mein ye zindagani rahe


Murshid mere murshid.....

Tere daman se sab kuch mila hai
Raaz ganj-e-khafi ka khula hai
Main tera hogaya tu mera hogaya
Ishq mein tereye zindagani rahe

Murshid mere murshid.....

Mere zaahir pe tu chagaya hai
Banke batin tuhi aagaya hai
Meri khilwat mein tu meri jalwat mein tu
Dono aalm mein teri nishani rahe

Murshid mere murshid.....



Ktna aala ye murshid mila hai
Allah wala ye murshid mila hai
Mila murshid ka ghar khula batin ka dar
Tere jalwon ki murshid rawani rahe

Murshid mere murshid.....


Raaz kalme ka unse milega
Bhed ye manaraf ka khulega
Kalma unka dharamrakhe sab ka bharam
Sabki saanson kalma roohani rahe

Murshid mere murshid.....

Peer fehmise uqda khula jab
Parda inni ana ka utha ab
Main hun tera pata tu hai mera pata
Raaz-ehasti meri lamkani rahe

Murshid mere murshid.....

Ye jo maaruf nisbat badi hai
Nisbat-e-auliya ki kadi hai
Qadri silsila gaus ka silsila
Gauseaazam ki nisbat lasani rahe
Murshid mere murshid.....



77 - KALME WALA HAI

Kalma saanson mein jisne dala hai

Uski har saans mein ujala hai

Khol sakta nahi wo raaz-e-khafi

Kiya karun ab zuban pe tala hai

Kisne shaitan ko raaz batlaya

Daal mein kuch na kuch to kala hai

Jisne raaz-e-khafi ko jan liya

Wahi momin hai kalme wala hai

Kabhi banda kabhi wo maula hai

Nukta wehdat ka ye niralai hai

Peer fehmi ka karam maaruf

Humne kaunain ko sambhala hai

78 - YE KARAM NAHI TO KIYA HAI

Nisbat mein teri aya ye karam nahi to kiya hai

Main noor mein nahaya ye karam nahi to kiya hai

Tu kahan wajood-e-noorie main kahan wajood-e-khaki

Tan-e-khak mein samaya ye karam nahi to kiya hai

Nisbat ka faiz hai ye gausulwara ka sadka

Mujhe qaadri banaya ye karam nahi to kiya hai

Main teri nawazishon ka ahsan kiya chukaun

Mera hausla badhaya ye karam nahi to kiya hai

Dooba tha ranjo gham mein meri naau thi bhavar mein


Nakhuda tu ban ke aya ye karam nahi to kiya hai

Mere har gunah par jab rehmat ko josh aya

Mere aiyeb ko chupaya ye karam nahi to kiya hai

Yahi naaz ye fakhar hai teri mujh pe jo nazar hai

Tere ishq ko mein paya ye karam nahi to kiya hai



Main bhatak raha tha dar dar phirta tha mara mara
Tere saaye mein jo aya ye karam nahi to kiya hai

Nisbat ka jo bharam hai peer fehmi ka karam hai
Meri laaj ko nibhaya ye karam nahi to kiya hai

Tere ishq mein mita to paya maqam maaruf
Mujhe kiya se kiya bana yaye karam nahi to kiya hai

79 - MERA SANAM

Bahut piyar karte hain murshid se hum

Khuda na kare ye mohabbat ho kam

Tassawur tumhara meri bandagi hai

Tumhein dekhna kiya khuda se hai kam

Koi gum hua hai jalwon tere

Koi ga raha hi sanm he sanam

Tera dar dare mustafa ban gaya hai

Yahan sir jhukate hain sare sanam

Wahin mera kaaba wahin hai madina

Jahan par tumhara hai naqshe kadam

Tere dar ki mitti bahut kimti hai

Ke lakhon bane hai irm-o-haram

Mere peer fehmi ki nisbat badi hai

Isi ki badaulat hai hamara bharam

Khula nukta maaruf ye mere sanam se

Khuda noor bankarkhudi mein hai zam

80 - MEHFIL SAJI HAI

Peer fehmi ki mehfil saji hai peer aadil bhi aaye hue hain
Kalme walon ki ye sahn dekho noor mein sab nahaye hue hain
Taaj wale bhi aaye hue hain laaj wale bhi aaye hue hain
Bekason ki qadeer allah dekho laaj sabki nibhaye hue hain
Rehmaten naaz farma rahin hain noor mein roohen lehra rahin hain
Peer mehtab shah qaadri bhi wajad mein aaj aayen hue hain
Kaif pe kaif chane laga hai lutf-e-deedar aane laga hai
Apne chehre se parda duei ka kareem aallah uthaye hue hain
Zindagani sanwarne lagi hai rooh parwaz karne lagi hai
Jo bhi mehfil mein aaye hain wo sab dam mein kalma basaye hue hain
Kaisi khushbu ka alam hai dekho jalwagar gaus-e-azam hain dekho
Peer ki aarahi hai sawari sab ke sab muskuraye hue hain
Hoo ki shehnaie bajne lagi hai bazm ki bazm sajne lagi hai
Khwaja ajmer kalme ki mehndi ahle haq ko lagaye hu hain

Sharhe imaan hone lagi hai

apne pehchan hone lagi hai

Peer fehmi ki ye hai inayat

dono alam pe chahye hue hain

Sab muridon ke rukh par khushi hai

saare khulfa mein zinda dili hai

Peer fehmi ko saj dhaj ke dekho

aaj dulha banaye hue hain

Dariya irfan ka behne laga hai

har ek arif ye kehne laga hai

Peer maaruf ne ye raaz khola

Hum mein hum he smaye hue hain

81 - KHAK-E-PAA

Apne murshid ki khak-e-paa hun main

Din-o-duniya ka badshaha hun main

Ji nahi sakta hun juda hokar

Wo hain dariya to bulbula hun main

Surat-e-shaikh main fana hokar

Rubaru shakl -e- dilruba hun main

Dar-e-murshid pe hai jabin apni

Aaj taqdeer ka khuda hun main

Sara aalam humhe se roshan hai

Noor-r-ahammed ka silsila hun main

Ganje makhfie se hum nikal aaye

Shauke irfan ka walwala hun main

Jiske jawon mein gumhuye musaa


Wahi surat ka mudduaa hun main

Peer fehmi ki har ada piyari

Aan-o-dil se hua fida hun main

Peer-o-murshid ka hai karam maaruf

Saare aalam ka rehnuma hun main



82 - WOH NAMAZ KAUNSI HAI

Allah bhi padh raha hai wo namaz kaunsi hai
Bande ko jo ataa hai wo namaz kaunsi hai

Jo na huzur-e-dil se hogi namaz kiya hai
Dilne tere padha hai wo namaz kaunsi hai

Shaitan kehraha hai barson ka hun namazi
Jo ban gaie bala hai wo namaz kaunsi hai

Padhkar namaz aye maa ke shikam se humto
Jo kabhi nahi kaza hai wo namaz kaunsi hai

Fehmi hai mera kaaba fehmi hai mera kibla
Jo imam hi khuda hai wo namaz kaunsi hai

Aisi namaz maaruf mujhe peer ne padhaie
Sajde mein sir jhuka hai wo namaz kaunsi hai

83 - HO GAYA

Apne murshid ki main khak-e-pa ho gaya

Saare kaunain ka badshah ho gaya

Jis tajjalli ko musa gire dekh kar

Dekhne ka mujh ko hausla ho gaya

Jisko kehte hain zikr-e-jali o khafi

Murshid-e-paak se wo ata ho gaya

Apne murshid ke ishque mein jo bhi mita

Dono aalam ka wo dilruba ho gaya

Allah hoo ke jalwe jahan dekhiye

Jisne 'hoo' ko hai samjha baka ho gaya

Jisko pate hain arif har ek shan mein

Gafilon ke liye muamma ho gaya

Jo tajjalli ke parde mein abtak chupa

Peer fehmi se jalwa numa ho gaya

Meem ahammed ka maaruf ye uqda khula

Jo hai murshid wahi mustafa ho gaya

84 - JAAM-E-WEHDAT

Wehdat ka jaam peer ne aisa piladiya
Apne khayal ke siwa sabkuch bhuladiya

Allah ka irfan to asan hai magar
Mushkil hai raaz-e-mohammed mursil bata diya

Allah ka bhed he to insan ka bhed hai
Raaz-e-khudi se parda murshid hata diya

Momin wahi hai jismein shane khuda dikhe
Jismein jhalak nahi use kaafir banadiya

Inki nigha-e- naaz ka aisa karam hua
Mujh ko ghame firak se dam mein chuda diya

Jalwa jamale yaar ka har shai mein dekh kar
Humne sire niyaz adabse jhuka diya


Main kaun hu tu kaun hai taua n ki baat hai
Be quaid jalwe yaar ne mujh ko dikha diya

Fehmi piya ki shaane skhawat to dekhiye

Baande ek pal he maula bana diya

Maaruf dare yaar se mala maal hai

Kaise bataun peer ne kis kis ko kiya diya



85 - KISNE

Jaam-e-wehdat pila diya kisne
Mujh ko bekhud bana diya kisne

Hartaraf surat-e-mohammed hai
Haqq ka parda utha diya kisne

Qudsiyan ba adab hain sajde kiye
Mujh ko kaaba bana diya kisne

Raaz-e-wehdat bata ke khilwat mein
Lohe hasti mita diya kisne

Saanson mein hoo ka he tarana hai
Dam ko kalma padha diya kisne

Banke gumnam tha main kanzan mein
Naam-e-aadam rakha diya kisne


Koi madhosh hai koi bismil
Rukhse parda hata diya kisne

Naam pucha to wo kaha hans kar

Peer fehmi bata diya kisne

Raaz-e-parda uthate ho maaruf

Tumko yeh haq bata diya kisne



86 - PADEGA

Wo anhad ka jalwa dikhana padega

Libase mohammed mein ana padega

Mohammed mohammed padheja deewane

Isis se khuda ko mana na padega

Mere saqiya ab nigahon se apni

Sahrab-e- mohabbat pilana padega

Nahi manta main nahi janta main

Tumhen rukhse parda hatana padega

Mere hath mein hai daman tumahara

Meri laje nisbat nibhana padega

Nahi kuch chalegi teri lan tarani


Wahan dilse kalma sunana padega

Jise janta hai raaz-e-tassawauf

Tariqat ke maidan mein aana padega

Mere peer fehmi hai sadqe tumhare
Mohammed ka chera dikhana padega

Agar chahte ho thikana to maaruf
Mohabbat mein sab kuch lutana padega



87 - MEEM KA MEHAL

Ajab meem ka ek mahel banaya gaya
Wo bar-e-amant usmein chupaya gaya

Allah nabi ko damm mein basakar
Ha hu he ka jhula jhulaya

Adam hawwa mein chupkar hai aaya
Zaat -o- sifaat ka khel rachaya

Meem ka parda uthane ke khatir
Farishton se aakhir sajda karaya

Bhed khafi ka dam mein chupa kar
Allah hu ka taala lagaya

Yeh kalme ki kalse taala khulega
Fehmi piya se bhed hai paya gaya

Alif laam ka sab chakar hai maaruf
Ek nukte mein sara quraan samaya

88- ANDAR KHUDA HAI BAAHAR NABI

Kalme ka Murshid Raaz Bataya

Andar Khuda Hai Baahar Nabi

Kalma Hi Dono AAlam Pe Chaya

Andar Khuda Hai Baahar Nabi

Zat-O-Sifaat ka Khel Rachaya

Haa-Hoo-He Ka Raag Sunaya

Ganje Khafi Ka Bhhed Bataya

Andar Khuda Hai Baahar Nabi

Arshe Bari Par Haqne Bulaya

Khuld-e-Bari Ko APne Sajaya

Haqne Tajalli Ka Parda Uthaya

Andar Khuda Hai Baahar Nabi

Baaghe Iram Ke Patto ko Dekho

Naame-e-Nabi aur Naam-e-Kudha Hai

Arshe Bari Par Kalma Hai Chaya

Andar Khuda Hai Baahar Nabi

Frike Bahttar Hain Kalme ke Andar

Islam Do Hain Kalme k Andar

Momin He Kalma Ban Kar Hai Aaya

Andar Khuda Hai Baahar Nabi

Kalme Ki kal Hai Arzo Sama main

Kalma He Haq Baatil Ka Nisha Hai

Kalma He Awwal-O- Aakhir Hai Aya

Andar Khuda Hai Baahar Nabi

Baare Amanat'Mohr-e-Nabuat

Sirre Wilayat Taaje Khilafat

Kalme Ke Sadke Main Sab Kuch Hai Paya

Andar Khuda Hai Baahar Nabi

Fehmi Piya Ke Bhes Main Aya

Aadam Jaadam Zikr Karaya

Raaz-e-Khudi Ka Parda Uthaya

Andar Khuda Hai Baahar Nabi

Insan-e- Kamil Kalma Bana Hai

Kalma he Maaruf Khud Ka Pata Hai

Zahir ne Apne Baatin Ko Paya

Andar Khuda Hai Baahar Nabi

89 - NAHI MILTA

Lakh Dhoondo Pata Nahi Milta

Bin Wasile Khuda Nahi Milta

Pucho Murshid Se Kiya Nahi Milta

Khud main sab Kuch Hai Kiya Nahi Milta

Jisne Khud ka Pata Nahi Paya

Raaz-e-Haq ka Pata Nahi Milta

Murshid-e-Paak Main Fana Hoja

Be Mite Dilruba Nahi Milta

Lakh Karle Khuda Khuda Zahid

Bin Mohammed Khuda Nahi Milta

Dair-o-Kabe Main Dhundte Ho Jise

Tere Dil Main Chupa Nahi Milta

Ek Fehmi Siwa Humain Maaruf

Murshid-e-Haqnuma Nahi Milta

90 - MILA GAYA

Jaam-e-wehdat pilaya gaya

Noor-e-haq se milaya gaya

Khud bana ke mujhe piyar se

Khud he aakkar samaya gaya

Rog badhta gaya piyar main

Aisa nashtar chubhaya gaya

Arsh se farsh tak dhoom hai

Mera rutba badhaya gaya

Khud ke didar ke waste

Shakl-e-aadam dikhaya gaya

Bojh rakh kar amant ka who

Sirko mere jhukaya gaya

Apni jalwa giri ke liye

Mujhko parda banaya gaya

Raaz-e-wehdat bata kar mujhe


Naqsh-e-kasrat mitaya gaya

Peer fehmi ka ehsan hai

Raaz unse he paya gaya

Suno maaruf haq ka pata

Raaz-e-hasti bataya gaya



91 - SALAAM IMAMA-E-HUSAINR.RZ

Husian ibne haider salamun alaik

Mohamed ke dilbar salamun alaik

Hai islam zinda taaban tumhi se
Ho noor-e- paiyamber salamun alaik

Kahe karbala yeh shahadat pe aaqa
Shaheedon ke afsar salamun alaik

Falak par malaik bhi aansu bahae
Jo dekha yeh manzar salamun alaik

Katae hain sirko lutae hain gharko
Nufu-e- bahattar72 salamun alaik

Tumhara gharana hai noorie gharana
Gawah sureh athar salamun alaik


Tumhi se hui haq -o- batil ki pehchan
Imamon ke rehbar salamun alaik

Hai hasni husaini mere peer fehmi

Yeh tan man nichawar salamun alaik

Yeh maaruf kalam bhi kahe baa adab se

Wo sir ko jhukake salamun alaik



92 - LELO SALAM HAMARA

Aaqa madine wale dilne tumhe pikara

Lelo salam hamara lelo salam hamara

Laulak wo sehra bandhe tumhare sirpar

Jhukne lagi khudai aaqa tumhare darpar

Khud he khudane apne jab namse pukara

Faryaad karrahe hain girkar sambhal rahe hain

Hum yaad mein tumhari karwat badal rahe hain

Sarkar ab to chamke aankhon mein wo nazara

Sarkar-e-dojahan ka jisne wasila paya


Jisne nabi ke dar pe sir apna hai jhukaya

Uska bulandi par hai taqdeer ka sitara

Khushbu-e-ishqe ahammed mehke humare tan mein

Tum cheer kar to dekho aahque ke is kafan mein

Aankhen khuli phati rahengi dekhoge jo nazara



Faryaad sun humari au bekaonke waali
Aayen hain jo sawali jaayen na hath khali
Aate ho tum madad ko jab dilse jo pukara

Gausulwara se maango khwaja piya se maango
Mehboob ka yeh dar hai lekin adabse maango
Hogi muraad puri daman ko jo pasara

Fehmi piya ka aashique sarkar ka deewana
Sarkar ne he bakhsha irfan ka khazana
Allah ki kasam main sarkar hu tumhara

Inka karam hai shamil to baat ban gae hai
Shahe arab ke sadke jholi bhari hui hai
Maaruf jaan apni aage tumhare hara.